



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 423
e – mail: info@voda.ba

Broj: **UP-1/21-3-40-478-3/25**

Datum: **14.01.2026. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Almy“ d.o.o. Zenica za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada postrojenja za proizvodnju betona i betonske galanterije kapaciteta 110 m³/h, izgrađenog na zemljištu označenom kao k.č. broj 351/3, 353, 354, 357, 358, 359/2, 359/3, 351/3, 352 i 906 K.O. Zovik, općina Hadžići, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu „Almy“ d.o.o. Zenica daje se vodna dozvola za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada postrojenja za proizvodnju betona i betonske galanterije kapaciteta 110 m³/h, izgrađenog na zemljištu označenom kao k.č. broj 351/3, 353, 354, 357, 358, 359/2, 359/3, 351/3, 352 i 906 K.O. Zovik, općina Hadžići.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu, pod slijedećim uslovima:
 - 3.1. Da se izvođenje radova na prostoru postrojenja za proizvodnju betona vrši u skladu sa uobičajenom praksom za ove aktivnosti, te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje onečišćenih voda (betonski taložnici, betonski kanali i slivnici, kanalizaciona mreža, separator ulja i masti i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.4. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
 - 3.5. Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20, 1/24), te pojedinačne i zbirne godišnje izvještaje dostave Agenciji u skladu sa članom 23. iste Uredbe.
 - 3.6. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13, 26/14, 15/17, 23/17 i 41/20).
 - 3.7. Ukoliko Vlada Kantona Sarajevo propiše dodatne (strožije) uvjete za ispuštanje otpadnih voda u površinske vode, od uvjeta definisanih u tabeli 1. Priloga 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.
 - 3.8. Da se istrošena ulja, nauljene krpe i sav opasan otpad koji će nastati na prostoru postrojenja za spravljanje betona i betonske smjese, redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.

- 3.9. Da u toku važenja ovog rješenja o vodnoj dozvoli projektnu dokumentaciju dopuni sa podacima o instaliranoj nadzemnoj cisterni za pretakanje naftnih derivata tj. uvezanost predmetne površine sa prostorom betonare u jedinstven sistem prikupljanja, transporta, tretmana i ispuštanja voda - hidro faza.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, pravno lice je dužno provoditi sve mjere i aktivnosti propisane istom.
6. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog poslovnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, „Almy“ d.o.o. Zenica, obratilo se ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada postrojenja za proizvodnju betona i betonske galanterije kapaciteta 110 m³/h, izgrađenog na zemljištu označenom kao k.č. broj 351/3, 353, 354, 357, 358, 359/2, 359/3, 351/3, 352 i 906 K.O. Zovik, općina Hadžići.

A. Opća dokumentacija

- Aktuelni izvod iz sudskog registra, broj:043-0-RegZ-25-002797 od 04.09.2025. godine izdat od strane Općinskog suda u Zenici – ovjerena kopija,
- Uvjerjenje o registraciji/upisu u Jedinstveni registar obveznika indirektnih poreza, broj:04/1-UPJR/I-4329-2/09 od 22.09.2009, godine izdato od strane Uprave za indirektno-neizravno oporezivanje Banja Luka - ovjerena kopija,
- Rješenje o vodnoj dozvoli, broj:UP-I/25-3-40-434-5/20 od 11.11.2020 godine izdato od strane Agencije za vodno područje rijeke Save, Sarajevo – kopija,
- Rješenje o izmjeni rješenja o vodnoj dozvoli, broj:UP-I/25-3-40-434-7/20 od 29.12.2023. godine izdato od strane Agencije za vodno područje rijeke Save, Sarajevo – kopija,
- Izvještaj o monitoringu kvaliteta i kvantiteta otpadnih voda pogona za proizvodnju betona „Almy“ Hadžići, Zovik, broj:849/25 urađen od strane „Inspekt RGH“ d.o.o. Sarajevo, maj 2025. godine,
- Izvještaj o monitoringu kvaliteta i kvantiteta otpadnih voda pogona za proizvodnju betona „Almy“ Hadžići, Zovik, broj:1295/25 urađen od strane „Inspekt RGH“ d.o.o. Sarajevo, juli 2025. godine,
- Ugovor o izvođenju radova, broj:478/25-DS od 10.03.2025. godine potpisan sa Delta petrol d.o.o. Kakanj – kopija,
- Računi broj:22-173-2-11-2025 od 30.11.2025. , broj:22-173-2-10-2025 od 31.10.2025., broj:22-173-1-10-2025 od 31.10.2025., broj:22-173-1-11-2025 od 30.11.2025 izdati od strane JKP „Komunalac“ d.o.o. Hadžići – kopije,
- Računi broj:E2511875152431 od 30.11.2025.izdati od strane KJKP „Rad“ d,o.o. Sarajevo - kopije,
- Dokaz o uplaćenju federalnoj upravnoj pristojbi na zahtjev

B. Tehnička dokumentacija

- Glavni projekat vanjske hidroinstalacije-kompleks za proizvodnju betona-betonara, betonske galanterije i prodaja građevinskog materijala, Općina Hadžići urađen od strane Ibis d.o.o. Zavidovići, broj:52-IB-G/17, august 2017. godine,

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22) izvršen je uviđaj na prostoru proizvodnog pogona „Almy“ d.o.o. Zenica – betonara Hadžići i tom prilikom sačinjen Zapisnik o izvršenom uviđaju broj:UP-1/21-3-40-478-2/25 od 13.01.2026. godine.

Na osnovu dostavljene dokumentacije, izvršenog uviđaja na licu mjesta utvrđeno je sljedeće:

- Predmetno postrojenje za proizvodnju betona (kapaciteta 110 m³/h) i betonske galanterije sa pratećim objektima izgrađeni su na zemljištu označenom kao k.č. broj 351/3, 353, 354, 357, 358, 359/2, 359/3, 351/3, 352 i 906 K.O. Zovik, općina Hadžići.
- Na prostoru betonare izgrađeni su sljedeći sadržaji: boksovi za skladištenje frakcija koje se koriste u procesu proizvodnje betona, mješać za beton, tri silosa za cement sa pužnim transporterima za doziranje, kontejner tj. kancelarija, tank za vodu, radno manipulativne i parking površine.
- Kompletan proces punjenja i pražnjenja mješalice je automatizovan prema postavljenom programu, odnosno doziranje sirovina u mješalicu, vrijeme miješanja i pražnjenje mješalice vrši se iz komandne sobe, po utvrđenom programu.
- Izgrađeni objekti priključeni su na vodovodni sistem kojim upravlja JKP „Komunalac“ d.o.o. Hadžići, tj. priključak na isti je izvršen u skladu sa uslovima operatora vodovodnog i kanalizacionog sistema.
- Tehnološke otpadne vode nastale od pranja mješalice betonare, unutrašnjih bubnjeva miksera, odvođe se putem kanalizacionog sistema u četiri taložna bazena (zapremina komora cca V= 32,0+42,0+12,5+12,5 m³), te se nakon taloženja voda iz četvrte komore odvodi do separatora ulja i masti (tip AGM 3000 MKBZ VC-TDN 300 Q=10 l/s, by-pass 100 l/s) iz kojeg se prečišćena voda preko monitoring okna odvodi do recipijenta - rijeka Zujevina. Dio vode iz taložnika se ponovo zahvata u postupku recirkulacije vode tj. procesa proizvodnje betona, a sve u ovisnosti od potreba.
- Monitoring okno je izgrađeno.
- Radno manipulativne površine su betonirane, izgrađeni su slivnici, kanali otvorenog tipa. Pristupni put ka betonari i parking površine su betonirane.
- Na predmetnoj lokaciji se ne vrši popravka i servisiranje mehanizacije.
- Kruti otpad (ambalaža i dr.) se prikuplja i skladišti u namjenski spremnik, te se adekvatno odvozi i zbrinjava od strane ovlaštene firme, po posebnom ugovoru sklopljenim sa KJKP „Rad“ d.o.o. Sarajevo.
- Čišćenje separatora i odvoz otpadnog mulja i taloga, po ugovoru vrši „Delta Petrol“ d.o.o. Kakanj.
- Monitoring kvaliteta i kvantiteta otpadnih voda, po ugovoru radi „Inspekt-RGH“ d.o.o. Sarajevo. Prema rezultatima analiza nisu utvrđeni parametri koji prekoračuju dozvoljene vrijednosti propisane Uredbom o uslovima ispuštanja otpadnih voda u prirodne recipijente i sisteme javne kanalizacije.
- U prethodnom periodu od dana izdavanja rješenja o vodnoj dozvoli pravnom licu „Almy“ d.o.o. Zenica izdato je Rješenje o izmjeni rješenja o vodnoj dozvoli za dio koji se odnosi na skladištenje naftnih derivata tj. instalirana je nadzemna cisterna za pretakanje naftnih derivata kapaciteta 9000 litara, proizvođač AMA, DTO MOD:DTO-90-5K, serijski broj:49956, godina proizvodnje 2021, materijal FE 360 B(S235JR), debljina 3 mm, radni pritisak 1 bar. Predmetna površina je povezana u jedinstven sistem prikupljanja, transporta, tretmana i ispištanja voda sa prostora betonare. Projektnu dokumentaciju neophodno je dopuniti u skladu sa činjeničnim stanjem na terenu-hidro faza.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „Almy“ d.o.o. Zenica ispunio minimum uslova za izdavanje vodne dozvole za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada postrojenja za proizvodnju betona i betonske galanterije kapaciteta 110 m³/h, izgrađenog na zemljištu označenom kao k.č. broj 351/3, 353, 354, 357, 358, 359/2, 359/3, 351/3, 352 i 906 K.O. Zovik, općina Hadžić, te je riješeno kao u dispozitivu ovog Rješenja.

Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

mr Selma Merdan, dipl.inž.geol.

Prilog: Tehnička dokumentacija navedena pod tačkom B. obrazloženja rješenja

Po ovlaštenju
Rukovodilac sektora za izdavanje vodnih akata

Nihad Đezo, dipl.inž.građ.

Dostaviti:

- „Almy“ d.o.o. Zenica
- Vrandučka bb, 72000 Zenica, (sa prilogom),
- ⊖ AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava